

SA RUNDHINELLA

---

---

O amada rundhinella ,  
ohi m'ischidas su mansanu  
cun su càntigu galanu,  
ite mi naras, o bella?

Zertas dies pro amore  
cantas e in allegria,  
a boltas in angustia  
e in signu de dolore.  
mi pares unu fiore  
ispuntadu in mala ' istella:  
no est sertu bagatella!  
Relattamilu, tesoro,  
cantu tenes in su coro,  
o amada rundhinella.

Aid, bella, mi declara  
cantu ti turbat sa mente:  
s'est amore prepotente  
o ite ' atteru mi nara.  
In sa nostra vida ' amara,  
in custu tempus tiranu  
finzas s'amabile ' eranu  
est ijerru infritturidu !  
Càntigu ' allegru ' affliggidu,  
ohi m'ischidaḡ su mansanu.

- "Benso, pro ti diolarare  
a dogni fatta ' 'e su die  
cantu 'ene chers'a tie ,  
cantu mi faghes penare.  
Deus 'ardet! S'isettare  
no siat disisu vanu!  
Accò, pianu pianu ,  
in tanta brama e dolore,  
relattadu cust'amore  
cun su càntigu galanu." -


Rundhinella dilicada ,  
cun profundha passione  
hap'intesu sa cantone,  
chi t'hat sa mente turbada.  
Sa brama ' 'enit appagada  
cun sa promissa novella  
de s'amore sentinella.  
E s'a tie, pramma ' 'e oro,  
intrego puru su coro,  
ite mi naras, o bella ?.

---

(Proprietà letteraria riservata all'Autore, sottoscritto)

Ausoniù Masia Arru

---



Recapito:

Prof. Dr. Ausoniù Masia Arru - in ferie a NUORO -  
Capo Lantieri